

船政學堂編



船政奏議彙編卷十日錄

遵

旨會籌大概情形摺

派稽查並提調片

琛航留工轉運並十五號下水片

葉道辦軍火並挈日監督東行片

船廠備用物件仍令趕製以待不時更換片

各輪船添設礮勇片

覆陳議購洋鎗鐵甲船片

伏波在洋遭風請修片

船政奏議彙編

卷十日錄

續行興造輪船片

養船經費撥入臺防項下輪船薪糧歸併報銷

片

第十六號元凱輪船上龍骨日期片

購大挖土船並鐵齶新式輪機片

稽查船政林請准北上片



沈葆楨三

遵

旨會籌大概情形摺

奏爲遵

旨會籌大概情形恭摺仰祈

聖鑒事竊臣等於本年四月十六日奉

上諭總理衙門奏日本兵船現泊廈門請派大員查

看一摺李鶴年事務較繁不能離省著沈葆楨帶

領輪船以巡閱爲名前往臺灣一帶相機籌辦等

因欽此查日本上年遭風難民經臺灣商民與熟

船政奏議彙編

卷十

番救出稟由地方官護送到滬交其領事收回

天朝柔遠之心至僻壤民番咸知遵守該國宜如何

感激圖報仰答

生成乃轉藉他國積年舊案以怨報德越境稱兵此

其意有所圖尙何待問中西人人髮指非虛言

也此時示以撻伐之威並不得謂釁開自我惟

近來議洋務者非一味畏蕙只圖有日置身事

外不恤貽患將來則一味高談謂義憤快心不

妨孤注之一擲於

國家深遠之計均何當焉臣等往返會商謹以管

見所及爲我

皇上陳之一曰聯外交倭奴狡譎非常其稱兵也西人斥其非彼則以商諸中國業經見許對中國據理詰之則互相推諉閃爍其詞西人雖疑其奸亦無從遽發其覆臣等擬將遞次洋船遭風各案摘要照會各國領事其不候照覆卽舉兵入境並與生番開仗各情形亦分次照會請其公評曲直日本舉動西人纖悉必知之如其怵於公論斂兵而退上也否亦輾轉時日我得集備設防其鬼蜮端倪亦可隨時探悉一曰儲利

器議者咸謂日本迥非西洋之比然有明中葉全盛之時萃俞戚譚劉之將才竭蘇浙閩粵之兵力狼噬豕突數十年而後定不可謂非勍敵其陸戰雖西人亦憚之臺灣與之鄰壤形勝扼要物產富饒彼旣利欲薰心未必甘爲理屈而所以敢於鴟張者則又窺中國器械之未精兼恃美國暗中之資助其已抵臺南各船均非中國新船之敵而該國尙有鐵甲船二號雖非完璧而以摧尋常輪船則綽綽有餘彼有而我無之水師氣爲之奪則兩號鐵甲船不容不購也

海疆守口之利莫若水雷中國雖能自製而力量單薄不足以破巨艦則水雷不能不購也陸路之利莫如洋鎗操演則宜用前膛臨敵莫便於後膛閩局雖有之而不足於用添募陸師則各種洋鎗並其合膛之子不能不多購也水路之利在輪船巨礮船無煤炭與無船同礮無子藥與無礮同則洋煤洋火藥合膛之開花彈以及火龍火箭之類不能不多購也明知所費不貲必有議其不量力者然備則或可不用不備則必啓戎心乘軍務未萌之時尙可爲牖戶綢

繆之計遲則無及矣如蒙

俞允可否容

臣

等將閩省存款移緩就急其不足者

暫借洋欸分年籌還之處出自逾格

天恩一曰儲人材閩省陸勇寥寥因臺北查辦匪徒

已調兩營東渡其分防馬尾廈門及上游三營

均不可動水師除輪船外亦無可量移者若待

弁兵厚集誠恐稽期現在福星長勝海東雲三

船已在臺灣揚武自臺歸添子藥又卽日赴臺

靖遠在廈門振威經

臣

鶴年派令賁摺赴滬浙

江之伏波山東之飛雲天津之萬年清濟安永

保均調而未歸聞廣東之安瀾卽日可到到時

臣葆楨當飭其裝足子藥煤炭卽乘之東行並

咨調提臣羅大春卽日赴臺與臣葆楨及鎮道

會籌一切此時消除萌蘖須得折衝樽俎之才

查有籍隸廣東之前署臺灣道黎兆棠膽識兼

偉洞悉洋情威惠在臺民懷吏畏臣葆楨謹飛

函赴粵調之前來並以共事日久深相倚仗之

吏部主事梁鳴謙等諸文士隨臣葆楨東渡以

期輯思廣益毋失機宜一日通消息臺洋之險

甲諸海疆從前文報恆累月不通有輪船後乃

按月可達然至颶風大作時雖輪船亦爲所阻
欲消息常通斷不可無電線計由福州陸路至
廈門由廈門水路至臺灣水路之費較多陸路
之費較省合之不及造一輪船之資瞬息可通
事至不虞倉卒矣所有會籌大概謹合詞由驛
六百里密陳其詳細情形容臣葆楨抵臺後察
看飛報愚昧之見是否有當伏乞

聖鑒訓示施行再此摺係臣葆楨主稿合併陳明謹

奏

同治十三年四月十九日拜發奉

硃批另有旨欽此

船政奏議彙編

卷十

五

船政奏議彙編

派稽查並提調片

再臣葆楨渡臺後船政工程委內閣中書銜莆田學訓導吳仲翔提調該員素以篤誠剛直爲在專員紳所信可以保無他虞惟廠地費

國家數百萬帑金外人垂涎已非一日其左羅星塔卽閩海咽喉前數日有琉球人來看廠後又有日本人踵至愚者千慮不無後顧之憂儻倉卒變生非有威望卓著之大員難資鎮壓號召查前陝西藩司林壽圖在籍服滿不日進京合無仰懇

船政奏議彙編

卷十

六

天恩飭林壽圖暫緩北行藉稽查船政爲名資其坐鎮並隨時察看海口情形以固省垣門戶萬一事出不測可否准其專摺奏事以重事權臣等飭管帶福靖後營駐守船廠之總兵銜副將王正道添募新後一營仍歸王正道統帶聽候林壽圖調度其船政工程仍責成吳仲翔一手經理臺事定局林壽圖便可起程入都是否有當伏乞

聖鑒訓示謹

奏

同日拜發奉

上諭沈葆楨現在赴臺著文煜等傳諭前陝西布政使林壽圖前往船廠認真稽查隨時察看海口情形如有緊要事宜與文煜李鶴年妥爲備禦並著會銜具奏欽此

船政奏議彙編

卷十

七

上諭沈葆楨現在赴臺著文煜等傳諭前陝西布政使林壽圖前往船廠認真稽查隨時察看海口情形如有緊要事宜與文煜李鶴年妥爲備禦並著會銜具奏欽此

同日拜發奉

琛航留工轉運並十五號下水片
再船政自第十二號永保起仿照商船式樣除
永保留於船政以備轉運外餘三號議撥招商
局應用第十三號海鏡去年經招商局派員領
回茲第十四號琛航工竣應行續撥招商局惟
目前軍火孔丞洋船向不肯裝永保一船恐不
敷周轉擬暫將琛航留閩派五品軍功林國祥
管駕以佐轉運候防務稍定再撥歸招商局至
第十五號之大雅亦於四月初一日下水矣合
併陳明伏乞

聖鑒訓示謹

奏

同日拜發奉

硃批知道了欽此

葉道辦軍火並挈日監督東行片

再采辦軍火有在船政總監工之廣東候補道
葉文瀾可勝其任惟鐵甲船水雷等件西洋所
珍秘者非廉幹洋員無從得其要領臣等擬函
召前船政監督日意格適該洋員從上海來據
稱聞英國有兩鐵甲船可購但必須與中國海
口相宜者乃適於用請先打電線往詢實在情
形並其價值如蒙

諭旨准購應懇

飭總理衙門行文英國公使威妥瑪俾咨回本國辦

船政奏議彙編

卷十

九

理方不費手該洋員議論日本事宜多中窾要
臣葆楨擬挈之東行以收指臂之助是否有當
伏乞

聖鑒訓示謹

奏

同日拜發奉

硃批知道了欽此

船廠備用物件仍令趕製以待不時更換片
再船政善後事宜一時尙難定議現在海防緊
急已成船隻難保無傷損之時臨事周章必碍
大局臣葆楨一面東渡一面飭廠將應行備用
物件加緊配製以待不時更換之需臣文煜仍
將額解關款源源接濟一則有備無患一則工
匠甫成之藝不致以別謀生計而荒是否有當
謹會同協辦大學士陝甘總督一等恪靖伯臣

左宗棠合詞附片恭陳伏乞

聖鑒訓示謹

船政奏議彙編

卷十

十

奏

同治十三年四月二十八日拜發奉

硃批知道了欽此

各輪船添設礮勇片

再閩廠新造輪船前經

奏定二百五十五匹馬力者額設礮勇二十六名一百五十五匹馬力者額設礮勇十名八十八匹馬力者額設礮勇六名當時爲圖節經費起見防務喫緊實屬不敷調遣今擬二百五十五匹馬力者增五十名一百五十五匹馬力者增四十名八十八匹馬力者增三十名卽著該管駕官迅募登舟逐日練習以臻嫻熟理宜合詞附片陳明伏乞皇上聖鑒訓示遵行謹

船政奏議彙編

卷十

十一

奏

同治十三年五月二十一日拜發奉

硃批知道了欽此

覆陳議購洋鎗鐵甲船片

正繕摺間奉到五月初一日

上諭所擬購買鐵甲船水雷及各項軍火均照議行
閩省存款如有不敷卽照所請暫借洋欸以應急
需沿海各輪船應如何調撥之處卽咨商妥辦前
臺灣道黎兆棠著卽赴閩所請電線著迅速辦理
前陝西布政使林壽圖前往船廠稽查如有緊要
事宜著卽會銜具奏各等因欽此臣等跪讀之下
感激莫名洋鎗鐵甲船二事日意格到閩之日
臣葆楨卽屬其由電線打探近得回報里明東
後膛鎗現成者有六千桿每桿配藥子四百顆
開價洋銀三十一圓器固適用但價須議減鐵
甲船現成者亦有一號齧水一丈八尺與中國
港道尙屬相宜約價洋銀一百二十五萬圓惟
其船身之新舊堅脆則未明言擬更由電線查
悉再行購辦謹合詞附片陳明伏乞

皇上聖鑒訓示施行謹

奏

同日拜發奉

硃批知道了欽此

伏波在洋遭風請修片

再本月十二日據管駕伏波輪船游擊貝珊泉稟稱該船於六月初三日載臺灣道夏獻綸等駛至蘇澳登岸初四日遂赴雞籠裝煤剛出口片時海上波濤大作風威火力相逆輪柁不前迫距雞籠七八十里天色如墨不能收口祇得隨風駕駛夜半風雨迸至船上前後桅杆橫擔大小舢板以及鐵擎繩纜先後漂沒其餘船燈船表併零星碎件以顛簸碰壞者不可勝計幸舵準機器煙筒尙無大損力量西南而行經一

晝夜乃抵福州洋面於初六日駛回工次稟請勘修等因旋接船政提調吳仲翔函稱該船遭風損失物件甚夥飭匠估計工料非三數萬圓不辦非三四月不能竣功等語_臣等查是日颶風驟起商船業經收澳者亦顛覆數十號沿海民居閒有傾塌英國兵船派員往金包里護其攔礁商船者與其水手漂沒無蹤伏波雖被損傷而船身機器及弁勇人等仰賴_臣等福庇均獲保全尙非駕駛不慎之咎除飭趕緊修理

外理合附片據實陳明伏乞

皇上聖鑒訓示謹

奏

同治十三年六月十七日拜發奉

硃批知道了欽此

船政奏議彙編

卷十

十四

續行興造輪船片

再閩廠計成輪船十有五號除鎮海一號駐天津湄雲一號駐牛莊海鏡一號歸招商局駕駛外祇餘十有二船辰下海防喫緊揚武飛雲安瀾靖遠振威伏波皆兵船也前囑日意格向赫德借海關之凌風輪船已到臣擬派此六號常駐澎湖隨之練習合操陣式福星一號駐臺北萬年清一號擬駐廈門濟安一號擬駐福州以固門戶尙嫌單薄永保琛航大雅三船本商船也現派迎淮軍並裝運礮械軍火往來南北殊少曠時此閩局諸船分派之情形也而滬船之到閩者現祇測海一船僅供閩滬遞通消息臺灣遠隔內地防務文書刻不容緩就眼前輪船計之實覺不敷周轉臣計現在廠中百五十匹馬力之輪機水缸已成兩副所運外洋木料聞亦陸續歸來因未奉

諭旨不敢擅自興工工匠人等祇令製造備用器具

並修理舊船若爲省費起見尙須酌量遣撤惟該工匠等學習多時造輪之法已皆諳悉聚之數年散之一旦不免另圖生計他日重新招募

殊恐生疏而已便之水缸機器已購之木料將俱置諸無用之區實則暗中糜費似不如仍此成局接續興工在匠作等駕輕就熟當易告成而廠中多造一船卽愈精一船之功海防多得一船卽多收一船之效況由熟生巧由舊悟新卽鐵甲船之法亦由此肇端購致者權操於人何如製造者權操諸已除出洋學習一節仍

皇上臣候會議覆奏請

旨遵行外合懇

天恩准將閩廠輪船續行興造以利海防臣等愚昧

船政奏議彙編

卷十

十六

天恩之見是否有當謹會同協辦大學士陝甘總督臣左宗棠附片陳明伏乞

皇上聖鑒訓示遵行謹

奏

同治十三年七月十四日拜發奉

上諭閩廠輪船卽照所請准其續行興造得力兵船以資利用欽此

養船經費撥入臺防項下輪船薪糧歸併報銷
片

再前者海防方亟所有閩廠輪船除鎮海一船
駐天津湄雲一船駐牛莊外餘均調到臺灣差
遣或駐澎湖扼紮操演或赴天津上海飛遞文
報其閒添募礮勇積儲煤炭修整機器繩纜等
項爲費甚繁中除飛雲一船始終由山東領餉
外餘皆仰給於養船經費一欸萬分不敷若侵
用船政月欸則於造船大有窒礙且此後臺防
應辦之事非可以歲月計竊思各船爲臺防而
集所有經費宜向臺防領支茲擬將自本年四
月十六日起將前撥養船經費併入臺防項下
其各輪船薪糧亦歸入臺防項下統報統銷以
免歧出伏乞

聖鑒訓示遵行謹

奏

同治十三年十二月初一日拜發奉

硃批該衙門知道欽此

第十六號元凱輪船上龍骨日期片

再_臣等前奉八月初二日

上諭閩廠輪船卽照所請准其續造得力兵船以資
利用等因當卽札飭船政提調吳仲翔督率員匠
集料開工茲據稟稱業已設法添購曲木於九
月二十一日起造船脅於十月二十七日安上
龍骨是爲第十六號百五十四匹馬力兵船擬名
之曰元凱以資號召理合會同大學士陝甘總
督_臣左宗棠附片陳明伏乞

皇上聖鑒訓示謹

船政奏議彙編

卷十

六

奏

同日拜發奉

硃批知道了欽此

購大挖土機船並錄有新式輪機片

再船工現已續辦等查應亟購備者尙有三端一曰大挖土機船一曰船上鐵屑一曰新式輪機船廠江濱年來泥沙日淤雖用挖土機船設法開濬無如地寬器小旋挖旋積儻江流日淺新船下水無由廠地便因而屢聞外國有極大挖土機船計一點鐘可挖土五十方尺當人工一千餘擔之多果得此船刷除積淤廠地乃可無虞此挖土機船之購所以不容緩也船屑必需天然彎木內地無之向運諸暹羅仰光等

處聞該處近來此木亦少所以西洋初易鐵屑以濟其窮閩廠前者皆用木屑邇來十六號開工木屑大形竭蹙勉強湊集尙不敷一船之用後繼尤難非亦改鐵屑不爲功惟此項工程本廠匠徒未曾素習不得不取式於外洋此鐵屑之購所以又不容緩也舊式輪機用煤過費外國近又制新式卧機以爲兵船取其機器與水面平可以避礮也制新式立機以爲商船取其機器所佔艙位無多可多裝客貨也煤較省而機較靈非各購一副而來俾匠徒仿造則巧拙

懸殊造船之功亦難於精進此新式輪機之購所以又不容緩也惟此三項之費自定購以及保險包紮護送合攏計非二三十萬金不可使惜一時之勞費誤後日之遠圖因小失大又非良策

臣

等再四思維似難中輟合無仰懇

天恩俯准乘此防務已鬆飭日意格先赴廈門打電線出洋探悉三項實價然後令其歸國先辦大挖土機船一隻迅駛來工以保廠地一面在法國定造鐵船脅全副帶匠一二人前來鬪合並教匠徒打造約限一年成功而歸一面往英國

定造新式卧機立機各一副帶匠二三人前來合攏並教匠徒鑄造亦約限一年成功而歸鐵脅必取法國者以閩船皆法匠所造其尺寸乃符新機必取英國者以英船向稱堅緻其制度無弊也至議定製鐵甲船未知底細下手殊難擬令日意格順途細訪詳悉開單寄歸以便他日斟酌舉辦可否之處謹會同大學士陝甘總督

臣

左宗棠附片陳明伏乞

皇上聖鑒訓示遵行謹

奏

同日拜發

船政奏議彙編

卷十

三



同日拜發

稽查船政林請准北上片

再前任陝西布政使林壽圖回籍守制服闕四
月間正擬束裝進京臣葆楨適將渡臺以船廠

重地異族耽耽

奏請其暫緩北行藉稽查船政爲名坐鎮廠地並

隨時察看海口情形以固福州門戶隨經臣文

煜臣李鶴年等以倭船駛至虎門

奏請該藩司就近督防均奉

旨允准在案現倭事已定防務稍鬆據呈請代

奏起程北上前來臣查該藩司自五月到防以來

船政奏議彙編

卷十

三

一面催督船政工程一面徧至長門南北岸川

石金牌各海口規勑礮臺訓練防勇布置嚴密

人心以安以該藩司忠勤素著智勇兼賅當此

國家需才之際正臣子報効之時臣葆楨雖在海

外未敢滯其行期謹卽據情附片代陳伏乞

皇上聖鑒訓示謹

奏

同治十三年十二月初五日拜發奉

硃批知道了欽此

船政奏議彙編卷十終

船政奏議彙編卷十一目錄

報銷船政經費摺

清單附

沈葆楨四

船政奏議彙編

卷十一目錄



船政奏議彙編卷十一目錄
清單附

沈葆楨四

報銷船政經費摺

奏爲閩廠勅造輪船年久費繁謹核用欸大數載
清月日援案開單彙報懇

恩准銷恭摺具陳伏祈

聖鑒事竊維國家自強之計於勅造輪船肇其端其
辦之難其費之鉅臣未受事以前雖心知之究
所謂難者如何所謂鉅者如何尙無能預揣累
年以來身親其役始知前此籌及者不過曰廠
工船工購器僱匠學習製造駕駛數大端而一

端之中始終之層次分出之條目曲折之變態
何止百十端事旣日增費亦日溢誠非筆墨所
能罄左宗棠勅議之疏惟云但求其良寬給其
值迨臣莅工而後應辦工程應發欸項往往有
從前未經議及者曾據實

奏明奉

旨勉爲其難毋得瞻前顧後等因欽遵在案經始之時
不但以成船爲期必能自造自駕乃於自強之
意有合局外方以洋人祕其要領爲慮以中國
艱於學步爲虞臣無事不存節費之思亦無日

敢懷吝費之見偷漏者銖兩必誅奮勉者細微
必賞無非以鼓勵誘進爲心以經久遠圖爲計
仰賴

朝廷體卹輪船得以依限告竣製造駕駛尙能師
其成法惟一切用欸與原議萬不能符當時所
估購輪機募洋匠鐵廠船槽學堂洋樓併製器
買地等欸不過四十三四萬兩今則何止倍蓰
就廠工而論初但曰五廠耳今塢內所蓋其砌
甎者曰鑄鐵廠曰輪機廠曰合攏廠曰大鐵廠
曰水缸廠曰大火爐屋曰轉鋸廠曰繪事樓其

架木者曰拉鐵廠曰錘鐵廠曰打鐵廠曰小輪
機廠曰木模器具廠曰桅舵舳板廠曰帆纜廠
曰鐘錶廠曰船亭曰船臺曰船槽曰鐵天車馬
頭餘若鐵轆風隧鐵爐煙筒其用只一端其工
則經年累月始就者殊難枚舉也塢外者初但
曰學堂洋樓耳今則學堂有前後之分而藝童
下處隨之而增大洋樓四座以居洋員大洋房
四所以居洋匠臣與各員紳辦事公所外曰東
西考工所曰藝圃曰健丁營棚曰儲材所曰機
器所曰廣儲所曰甌窰廠等處物質龐重棟宇

宜寬人工既多拓地益廣至鎮廠之

神宮捍水之石壩逐漸興建者又難以枚舉也且機器非不已購也而配座配槓零星添造之費不知凡幾洋匠固有月辛也而撤招路費傷亡卹賞禮拜補工之款殊難斬給藝童以外又有藝徒工匠以外又有健丁千夫萬杵併日連宵所有情形雖陸續上陳未能十盡三四蓋外國造船頻年有之爲洋將所親見雖中外有難易之不同而所估不致懸絕外國造廠在百數十年以前日新月異乃成鉅觀其締構之艱洋將

無由親見之故所估懸殊也今核製船經費經前督_臣左宗棠奏撥閩海關四成結款銀四十

萬兩爲購器建廠等項之需以後按月解銀五

萬兩嗣因經費支絀於十二年正月間_臣等會

奏請自是年正月起至十二月止每月添撥銀二

萬兩經總理衙門議由閩省茶稅項下提撥奉

旨允准各在案計自同治五年十一月十七開局之日

起截至十三年六月底止共計收閩海關結款

銀四十萬兩閩海關月款銀四百七十萬兩福

建稅釐局解銀二十六萬兩又收犒賞限滿洋

匠剩銀五百八十八兩五錢二分三釐四毫統
共收銀五百三十六萬五百八十八兩五錢二
分三釐四毫除造船購器蓋廠贍工等項支用
銀五百一十六萬四千四百八十九兩二錢五
分七釐又墊支養船經費銀一十九萬二千四
百五十八兩九錢七分六釐五毫二忽一微統
計共支銷銀五百三十五萬六千九百四十八
兩二錢三分三釐五毫二忽一微實存銀三千
六百四十兩二錢八分九釐八毫九絲七忽九
微此年來製船實用之款項也至養船經費於

船政奏議彙編

卷十一

同治八年五月間經前撫臣卞寶第同臣會

奏請七年三月以後將福建稅釐局所收洋藥票

稅銀兩撥濟嗣於十三年十二月間經臣以籌

辦海防輪船往來如織需費益多養船不敷

奏請自十三年四月十六日起將洋藥票稅併各

船薪糧歸入臺防項下收支在案今計自同治

八年八月起至十三年四月十五日止共收福

建稅釐局解來票稅銀四十二萬九千三百七

十二兩八錢一分三釐七毫九絲七忽九微除

自六年八月起截至十三年四月十五日止共

支銷養船各款銀六十二萬一千八百三十一兩七錢九分三毫外尙不敷銀一十九萬二千四百五十八兩九錢七分六釐五毫二忽一微係就製船項下挪用此年來養船實用之款項也臣自開辦船政以來卽飭在工人等一面極力講求製造駕駛之方一面鉤稽大小費用之數雖逐日登記不敢曠遺無如事爲艱舉器具工作皆耳目所未經言造船或馬力同而配製不同言蓋廠或丈數同而間架不同言購器或斤磅同而機關體質不同言辦料或名目同而

精麤鉅細不同且西匠擇材務精稍不中繩墨卽棄而弗收甚有工程甫半忽思變更營造既成改求新異此等情事誠有如直隸督臣李鴻章前遵

旨籌畫輪船善後疏中所言者若必廠歸各廠船歸各船工歸各工料歸各料縷析而條分之雖監工員紳日數十人把筆其側亦瞠目而無可如何反覆思維智盡能索而時近十年案牘山積若不及時截報過此以往更軫轄難清臣智術短淺本無理繁治劇之能况事關艱辦無可憑依

祇有竭其愚衷實支實用以仰副

國家委任之意謹援照天津機器局成案將製船
以及養船各款截清年月據實開具簡明清單
恭呈

御覽仰懇

天恩逾格准予開銷以清積牘至製船單內存剩銅
鐵木料煤斤及購存銅礮等款留備六月以後
船工撥用合併聲明除咨總理衙門戶部兵部
工部查照外理合會同大學士一等伯陝甘總
督_臣左宗棠福州將軍_臣文煜閩浙總督_臣李
鶴年福建巡撫_臣王凱泰恭摺具陳伏乞

船政奏議彙編

卷十一

六

皇太后

皇上聖鑒謹

奏

光緒元年正月三十日拜發奉

旨該衙門知道單二件片一件併發欽此

謹將製船經費自同治五年十一月十七日起
截至十三年六月底止收支各款數目開具簡
明清單恭呈

御覽

謹開

舊管

無項

新收

一收閩海關解結欸銀四十萬兩

一收閩海關解製船經費自同治五年十二月

船政奏議彙編

卷十一

七

一起截至十三年六月底止連閏計九十四箇

月每月銀五萬兩共銀四百七十萬兩

一收福建稅釐局解製船經費自同治十二年

正月起至十二月底止連閏計一十三箇月

每月銀二萬兩共銀二十六萬兩

一收犒賞洋員匠用剩銀五百八十八兩五錢

二分三釐四毫

以上共收銀五百三十六萬五百八十八兩五

錢二分三釐四毫

開除

一支製造二百五十四匹馬力輪船一號並應配
機器舢板一號帆桅舢板五號小舢板一號
暨衣旗傢伙器具工料價腳銀二十五萬四
千八百九十三兩八錢一分一釐八毫

一支製造一百五十四匹馬力輪船九號並應配
機器舢板一號帆桅舢板三十五號小舢板
九號暨衣旗傢伙器具工料價腳銀一百四
十七萬五千九百六兩一錢八分二釐七毫
一支製造八十四匹馬力輪船五號並應配帆桅
舢板二十號小舢板五號暨衣旗傢伙器具

船政奏議彙編

卷十一

八

工料價腳銀五十四萬三千一百一兩一錢
三分一釐

一支製造八匹馬力小輪船一號並應配衣旗
傢伙器具工料價腳銀二千三百四十五兩
五分七釐二毫

一支已製成未合攏一百五十四匹馬力輪機一
副又製成一百五十四匹馬力輪機胚一副除
四葉輪併水缸內配用物件暨小馬力抽水
機未造外共工料銀二萬七千三百五十七
兩四錢一分一釐六毫

一支已製成未合攏一百五十四馬力水缸二副除銅管未造外共工料銀二萬四千五百六十兩九錢三分四毫

一支各輪船鎗礮價腳銀一十六萬二千五百四十二兩三錢二分六釐八毫

一支製造挖土機船暨裝土各船隻工料銀一萬二千二百二十五兩八錢四分九釐六毫
一支起蓋各廠所購買田地價值銀二萬五千三十二兩七錢一分九釐九毫

一支起蓋洋樓購買山地價值銀二千二百四十九兩一錢

船政奏議彙編

卷十一

九

一支起蓋各廠所填地工價銀三萬九千五百二十九兩八錢七分五釐

一支開掘環塢長濠暨板橋工料銀四千四百三十八兩二錢八分四釐

一支鋪砌石道頭工料銀二千一百四十八兩六分八毫

一支壘築石壩工料銀一萬三千四百九十九兩一錢

一支監督日意格領蓋學堂洋樓洋房工料銀

六萬七千二百八十兩

一支製造船臺工料銀六萬四千二十九兩七錢三分六釐一毫

一支起蓋船亭工料銀六千四百八十一兩二錢八分五釐四毫

一支起蓋鑄鐵廠工料銀七萬七千四百一十一兩五錢一釐

一支起蓋輪機廠工料銀四萬二千三百六十四兩一錢三分三釐八毫

一支起蓋合攏廠繪事廠工料銀二萬三千三百九十九兩四錢八分七釐

一支起蓋大鐵廠工料銀三萬三百六十一兩二錢八分三釐三毫

一支起蓋水缸廠工料銀五萬六千八百一十九兩六錢四分七釐五毫

一支建造大煙筒併大火爐屋工料銀六萬三百四十六兩一錢四釐七毫

一支起蓋拉鐵槌鐵廠工料銀一十七萬五千五百八十三兩九錢三分二釐三毫

一支起蓋轉鋸廠工料銀二萬二千六百七十

四兩九錢三分五釐二毫

一支起蓋打鐵廠工料銀二萬二千四百一十

五兩六錢一分五釐八毫

一支起蓋小輪機廠工料銀三千二百五十七

兩五錢一分一釐六毫

一支起蓋木模器具廠工料銀三千一百六十

九兩六錢八分一釐四毫

一支起蓋儲模所工料銀一千二百四十六兩

三錢五分八毫

一支起蓋鐘表廠工料銀三千三百一十五兩

船政表議彙編

卷十一

十一

八錢七分七釐一毫

一支起蓋桅柁舳板廠工料銀四千一百八十

六兩七錢二分九釐四毫

一支起蓋帆纜廠礮廠併藝徒誦堂工料銀三

千六十一兩二錢三分九毫

一支起蓋甄廠工料銀一萬九千六十七兩七

分三釐三毫

一支製造鐵船槽併機器房工料銀一十七萬

五千四百兩二錢八分八釐七毫

一支建造起重鐵馬頭水枰鐵車道工料銀五

萬五千九百九十四兩一錢二釐五毫

一支起蓋 天后宮工料銀三千八十三兩八錢一分一釐七毫

一支起蓋衙署工料銀八千五百九兩二錢九分一釐二毫

一支起蓋東考工所工料銀五千二百九兩五錢三分六釐四毫

一支起蓋西考工所工料銀八千七十一兩五錢三分六釐七毫

一支起蓋藝圃工料銀三千八百六十兩五錢

三釐四毫

一支起蓋廣儲所工料銀一千三百七十七兩四錢七分二釐六毫

一支起蓋廣儲所第一座料廠工料銀二千四百八十一兩五錢一分七釐六毫

一支起蓋廣儲所第二座料廠工料銀一千六百七十三兩三錢八釐八毫

一支起蓋廣儲所第三座料廠工料銀一千六百四十八兩六錢四分六釐五毫

一支起蓋機器所工料銀一百九十六兩七錢

二分二毫

一支起蓋儲材所工料銀一百七十七兩三錢五分七釐八毫

一支起蓋鎮海營兵房工料銀一千六百七十七兩一錢五分五釐二毫

一支起蓋健丁營房屋工料銀一千四百一兩三錢三分九釐四毫

一支修理船臺工料銀七千六百五十八兩四錢八分一釐

一支修理煙筒火爐火溝風溝等項工料銀一萬一千四百九十六兩五錢三分二釐二毫

一支購買各廠機器並合攏添配工料共銀一十二萬三十九兩九錢七分三釐四毫

一支製造各廠機器工料銀五萬四千七百五十七兩九錢六分五釐八毫

一支歲修各廠機器工料銀八千四百六十四兩九錢六分五釐二毫

一支購製各廠所傢伙器具工價銀一十一萬九千六百三十兩九錢八分八毫

一支洋員匠五年九月十八日起至十二年十

二月底止薪費銀八十七萬一千四十三兩
五錢二釐八毫

一支洋員匠路費借辛銀五萬六千八百二十
二兩三錢八分一釐八毫

一支洋員匠卹賞銀四千五百六十兩

一支員紳五年十一月十七日起至十三年六
月底止薪水銀八萬五千四百二兩三錢六
分七釐

一支前學堂藝生童五年十二月初一日起至
十三年六月底止贍養飯食共銀二萬五千

二百五十七兩一錢七分四釐九毫

一支後學堂藝生童五年十二月初一日起至
十三年六月底止贍養飯食共銀二萬三百
一兩二錢八分二釐五毫

一支繪事院畫童六年十二月初一日起至十
三年六月底止贍養飯食共銀一萬四千二
百六十七兩四錢三毫

一支藝徒七年正月二十四日起至十三年六
月底止工食銀四萬九千八百九十四兩七

錢八分

一支前後學堂繪事院藝生童弊賞銀二千八百六十二兩九錢八分一釐八毫

一支前後學堂繪事院藝圃書籍器具價值銀七千五百六十六兩六錢六分三釐四毫

一支書役五年十一月十七日起至十三年六月
月底止工伙銀一萬一千九十六兩八分二毫

一支心紅紙張銀一千一百五十兩四錢三分三釐四毫

一支油蠟銀一千三百三兩八錢九分九釐九毫

船政奏議彙編

卷十一

一支通事八年正月十九日起至十二年十二
月底止工伙銀五千五百二十五兩一錢

一支健丁六年十月十三日起至十三年六月
底止辛糧銀四萬四千四百九兩五錢

一支看管船槽匠丁九年十月初一日起至十
三年六月底止工食雜費共銀一萬一千四
百一十五兩四錢八分

一支廣儲所盤運料件運夫六年九月初一日
起至十三年六月底止口糧銀一萬八千三

百二十三兩

一支儲材所運送木料排工七年正月十一日起至十三年六月底止口糧銀七千七百一十四兩四錢四分

一支親兵六年六月二十五日起至十年二月二十九日止口糧銀一萬三千八百五十六兩一錢一分三釐三毫

一支臺灣東澳采辦木料局護勇六年七月初一日起至九年八月二十八日止口糧銀三千四百五十三兩

一支親兵護勇旗械號衣工價銀三百七十七兩五錢五分二釐二毫

一支甯粵廈門各匠暨通事盤費銀二千五百八十三兩四錢九分九毫

一支副監督德克碑采辦教練輪船用飛輪礮價腳銀五千六百七十三兩四分八釐四毫
一支購存用剩銅鐵木料煤斤價腳銀一萬六千一百九十兩六錢八分八釐九毫

一支購存銅礮價腳銀一萬四千三百二十五兩四錢五分八毫

一墊支養船經費銀一十九萬二千四百五十
八兩九錢七分六釐五毫二忽一微

以上共支銀五百三十五萬六千九百四十八
兩二錢三分三釐五毫二忽一微

實在

存銀三千六百四十兩二錢八分九釐八毫九

絲七忽九微



以上共支銀五百三十五萬六千九百四十八
兩二錢三分三釐五毫二忽一微

以上共支銀五百三十五萬六千九百四十八
兩二錢三分三釐五毫二忽一微

謹將養船經費自同治六年八月起截至十三年四月十五日止收支各款數目開具簡明清單恭呈

御覽

謹開

舊管

無項

新收

一於同治八年八月起至十三年四月十五日

止先後共收福建稅釐局呈解七年三月起

船政奏議彙編

卷十一

六

至十三年正月止征收洋藥票稅銀四十二

萬九千三百七十二兩八錢一分三釐七毫

九絲七忽九微

一收挪用製船經費銀一十九萬二千四百五

十八兩九錢七分六釐五毫二忽一微

以上共收銀六十二萬一千八百三十一兩七

錢九分三毫

開除

一支各號輪船併建威練船七年正月初三日

起至十三年四月十五日止官弁舵水薪費

番銀四十二萬一千七兩九錢九分九釐五毫每百兩貼水一十兩申銀三十八萬二千七百三十四兩五錢四分五釐

一支各輪船煤炭價腳銀四萬七千六百七十八兩四錢三分四毫

一支各輪船藥彈價腳銀二千九百四十二兩九錢八分四毫

一支水師營六年八月初一日起至十三年四月十五日止薪費銀八萬七千四百九十五兩二錢三釐二毫

一支福星練童九年六月初五日起至十一月十六日止贍養飯食共銀一千二百八十四兩六錢六分六釐八毫

一支建威練童十年四月初一日起至十三年四月十五日止贍養飯食共銀一萬五千四百六十六兩七錢八分三釐一毫

一支駕駛藝童七年正月十九日起至十年三月底止贍養飯食共銀八千四百一十九兩四錢四分一釐六毫

一支管輪藝童七年正月十九日起至十三年

四月十五日止贍養飯食共銀一萬九千六百四十六兩七錢七分四釐九毫

一支福星建威並駕駛管輪各藝童獎賞銀六百二十一兩八錢一分八釐二毫

一支駕駛管輪藝童並輪船舵水各項盤費銀四千九十一兩四錢

一支駕駛管輪學堂書籍器具價腳銀二千九百一十二兩五錢一分五釐四毫

一支購修建威練船工料銀二萬八千七百三十兩七錢六分一釐八毫

船政奏議彙編

卷十一

三

一支修理萬年清並湄雲福星未撥牛莊臺灣以前各輪船工料銀一萬五千八百六十二兩八錢九分三釐五毫

一支水師營船隻衣旗鎗械工價銀三千九百四十三兩五錢七分六釐

以上共支銀六十二萬一千八百三十一兩七錢九分三毫

實在

無項

船工動費解欸久停請就海關籌撥摺

遣散員匠經費歸入造船項下片

船政奏案勾稽就緒剋日渡臺摺

委蔡國祥駐揚武督操片

報明藝童隨日監督出洋片

船工告成積年出力員紳請獎摺

船政在工病故各員請卹片

十六號船下水十七號開工片

請撥四成洋稅摺

船政奏議彙編

卷十二目錄

會籌船政替人候

旨盤交赴任摺

十六號船試洋十八號興工片

請改派接辦船政摺

船政欠欸請補籌足額摺

報起程馳赴江督新任摺

振威管駕守備黎家本積勞病故請卹片

船工動費解欸久停請就閩海關籌撥摺

奏爲船工續起動費殷繁解欸久停工稽料絀懇
恩飭部仍就閩海關迅籌接濟以免曠延恭摺仰祈
聖鑒事竊臣任船政以來奉

旨自同治五年十二月起准於海關六成項下每月撥
銀五萬兩以爲經費仰賴

高厚之恩源源接濟俾得祇遵原限船工廠工一律告
成感激之私靡可言罄同治十三年八月初二
日復奉

船政奏議彙編

卷十二

上諭閩廠准續行興造得力兵船以資利用等因欽此
臣伏讀之下遵卽札飭船政提調吳仲翔督率
員匠集料興工開造第十六號一百五十四匹馬
力兵船業經

奏明在案辰下十六號之船工程業已大半輪機
水缸一切亦已告成而廠儲木料銅鐵雜件均
已用罄必須分途趕辦輦運來工且所采各件
皆收自遠地深山巨海購致維艱鑪錘斧斤又
需時日必前船一而下水後船一面程材方無
停工待料之虞愈臻駕輕就熟之效儻工程作

輟則廩食虛糜後日應辦之工節節礙手誠非計也今海關月撥之欸以六成項下萬分支絀解至同治十三年八月分而止經臣文煜將爲難情形

奏明在案十一月二十日奉

上諭船政經費應如何籌畫之處著戶部議奏等因欽此仰見

聖明洞燭體卹無遺臣何敢再行曉瀆惟是自去年九

月至今四月有餘短解之欸已二十餘萬廠內員匠童徒工役方趕辦工程斷難責令枵腹從

船政奏議彙編

卷十一

十一

事祇得於臺防經費項下暫行移撥而臺地開山築壘營餉工料需用繁興又不能挪此而輟彼進退維谷苦喚柰何矧現在采鐵采木之賞鐵脅卧機之購一時均難緩於舉行鉅欸紛羅計窮智絀儻議撥無著之欸抑或待挹注於鄰封微臣力無所施大局必滋貽誤合無籲懇天恩俯念船政撥欸係奉

特旨允准積年遵行成案祇緣續撥之欸逐漸增多致海關入不敷出請

飭部將續欸改撥他省原定船政經費仍於閩海關

按月撥解以扶自強之局謹會同大學士一等
恪靖伯陝甘總督臣左宗棠福州將軍臣文煜
閩浙總督臣李鶴年福建巡撫臣王凱泰合詞
恭摺附驛馳陳伏乞

皇太后

皇上聖鑒訓示遵行謹

奏

光緒元年正月三十日拜發奉

旨戶部速議具奏欽此

船政奏議彙編

卷十一

三

皇太后

皇上聖鑒

恭摺附驛馳陳伏乞

閩浙總督臣李鶴年福建巡撫臣王凱泰合詞

恭摺附驛馳陳伏乞

恭摺附驛馳陳伏乞

遣散員匠經費歸入造船項下片

再遣散船政洋員匠經費動支各數目經臣於

同治十三年二月間開單具

奏聲明存銀六百一十四兩四錢六分一釐六毫

嗣洋員日意傑補請

賞給二等寶星奉

旨前允當於此欵動支製給計工價銀二十五兩九錢
三分八釐二毫實存五百八十八兩五錢二分
三釐四毫歸入造船經費項下作收謹附片陳

明伏乞

船政奏議彙編

卷十二

四

聖鑒謹

奏

同日拜發奉

旨覽欽此

船政銷案勾稽就緒刻日渡臺摺

奏爲船政銷案勾稽就緒

微臣

葆楨刻日渡臺恭

摺報明仰祈

聖鑒事竊

臣

等於同治十三年十二月二十三日業

將履勘琅璫形勢並二十四日

臣

葆楨由輪船

內渡稽核船政報銷大數各等因

奏明在案二十四日已刻

臣

葆楨由安平登舟展

輪風潮尙穩二十五日午刻卽抵馬尾工次時

已歲暮旋飭在事員紳等將累年以來動費諸

欸冊檔詳悉勾稽謹另摺開單陳明恭呈

船政奏議彙編

卷十一

五

御覽本年正月十九日輪船自臺至接臺灣道夏獻

翰等函稱游擊王開俊以獅頭社生番抗不交

克居民不堪其擾呼籲請兵於正月初八日帶

同中後左各哨由枋山溪一路募食而進寅刻

攻破該社將草房焚燒已刻進攻竹坑該克番

等公然持械抵拒經陣戮數十人始各獸散方

謂可以示懲詎該番等預逞狡謀先於社外草

間四面設伏我兵以路徑生疏樹木叢雜防不

勝防行至七里溪地面密箐中鎗標騫起蜂擁

合圍兵勇等極力衝突傷亡甚多該游擊身受

重傷握刀血戰手刃十餘賊直至晡時力盡陣
亡哨長周占魁等三員亦同時遇害等語臣等
思獅頭社爲鳳山通琅璫之中道前與刺桐腳
莊民仇殺累經理諭夜郎自大抗玩不遵茲竟
逞其狡鋒戕我官兵傷我良將狂榛之類竟有
此頑梗之風若不痛加勦懲何以肅民心而伸
國法除函商淮軍統領唐定奎相機勦辦飭臺灣
道遴員接帶該營查明接仗詳細情形各哨勇
有無棄將私逃並忠骸下落外臣葆楨擬於拜
摺後卽隨帶洋鎗利器坐揚武輪船東渡迅速
籌辦兼布置開山建治一切事宜隨時再行
奏聞謹先合詞恭摺由驛六百里馳陳伏乞

皇太后

皇上聖鑒訓示遵行再此摺係臣葆楨主稿合併聲
明謹

奏

光緒元年正月三十日拜發奉

旨另有旨欽此

委蔡國祥駐揚武督操片

再閩廠新製兵輪船均經分配礮械增設勇丁
尤須隨時訓練方足以資得力前由

臣等

奏派署水師提督羅大春統領該提督赴陸路
本任遂難兼顧去年洋務方興專派六船駐紮
澎湖朝夕教練究屬一時權宜之計現擬將揚
武改爲練船取熟諳西學堪以出洋之藝童薈
萃其中募洋將德勒塞爲總教習以精於鎗礮
帆纜洋師二人副之以期日益求精其餘各船
除出差外亦隨之合操俾號令畫一惟輪船一

日千里或由內洋而外海或由腹地而邊陲非
有熟習水務之大員坐鎮船中周歷洋面無以
察其勤惰而策其精能不特陸路提督萬難兼
顧卽水師提督亦有本衙門及各營汛應辦事
件未易遠離且駕駛之才曰熟狎風濤曰精通
鎗礮曰曉暢輪機兼備者已難其選而統領尙
須於數長之外能正己率屬而後爲所統領者
可期有勇知方所以躊躇累年迄未能定局也
茲查有記名提督蔡國祥前經大學士

臣

曾國

藩擬派統帶輪船嗣以李泰國違約輪船發還

而止曾國藩素有知人之明該提督爲所賞識
必非庸庸者比但該提督由長江水師出身外
洋情形非試之實境臣等亦未敢深信其能現
擬令暫充督練之任俟其周巡海上數月如果
於外洋駕駛窳要爛習精通能誘掖諸藝童咸
折節以取西人之長無桀驁以蹈西人之習再
奏懇作爲統領以專責成可否之處出自

天恩謹會同大學士一等恪靖伯陝甘總督臣左宗
棠合詞附片陳明伏乞

聖鑒訓示遵行謹

船政奏議彙編

卷十一

八

聖奏

光緒元年二月十七日拜發奉

旨著照所請欽此

報明藝童隨日監督出洋片

再_臣等於上年十二月初一日附片

奏陳船廠應辦挖土機船輪船鐵脅新式輪機等

件請飭洋將日意格歸國採購奉

旨允准當卽欽遵辦理本年二月初_臣葆楨東渡臨

行以船政月欸停解提分臺餉給日意格西行

續經

奏明在案因思前者藝童出洋之舉經_臣葆楨恭

摺具陳奉

旨飭李鴻章等議覆茲六事之籌未定未敢瀆陳且無

船政奏議彙編

卷十一

九

旨飭李巨欸可籌遽難如願惟當此船工續興之後恰

日意格西歸之時重洋萬里前導有人生徒等

正宜乘便偕行涉歷歐洲開擴耳目既可以印

證舊學又可以增長心思所有采辦各件就近

先考究其機關到地便不難於安置似非無益

而充選者擇之必精庶所費輕而易舉因於前

學堂內派出魏瀚陳兆翱陳季同等三人後學

堂內派出劉步蟾林泰曾等二人隨同日意格

前往游歷英吉利法蘭西等處俟機船鐵脅新

機採購既便仍隨日意格同歸謹會同大學士

一等恪靖伯陝甘總督臣左宗棠附片陳明伏乞

聖鑒訓示謹

奏

光緒元年三月十三日拜發

船政奏議彙編

卷十二

十

光緒元年三月十三日拜發

奏

聖鑒訓示謹

子

光緒元年三月十三日拜發

船工告成積年出力員紳請獎摺

奏爲船政告成遵將積年出力員紳將弁藝童匠徒擇尤併案請

獎緣由恭摺列單仰祈

聖鑒事竊_臣葆楨自同治五年間奉

旨勅辦船政仰賴

天恩溥渥不惜巨款不搖浮議船工廠工得以依限告

成製造駕駛藉獲著有成效捫心深夜感激莫

名同治九年二月間經_臣等

奏請俟輪機勅造就緒懇將中外出力人員擇尤

船政奏議彙編

卷十一

十一

獎勵奉

旨允准嗣_臣葆楨以丁憂交卸致未舉行同治十二年

十月間

奏獎出力洋員洋匠摺內復經申請將中國出力

之員弁工匠一體保獎均蒙

允准在案正在遵照核辦上年五月奉

命巡臺因而中止現在洋防稍定謹細加考覈始固因

事而任人今則因人而考績苟有所効雖小善

不敢沒以仰體

朝廷作養人才之心苟無可錄雖所親不敢濫以

上副

國家慎重名器之意惟船政之始較他務爲獨難其初員匠則中外言語不相通器具皆生平耳目所未見自一簣之始甚至全體之具備其間朝更夕改瑣碎繁重非筆墨所能陳監工者顛蹶於嚴風烈日之中從役者體會於意象形聲之表總辦者於向無章程之事而遞勅章程學習者於無可尋繹之中而曲爲尋繹未成船以前司采辦者絕島窮荒衝煙冒瘴旣成船以後練駕駛者濤山浪屋測海占星自始至終時經十稔無日不聞雞趨役篝火傳餐瘁心力於機輪視波濤爲衽席雖由熟臻巧尙有待於後來而應手得心已無需乎借助查各省局務每二年請獎一次合無仰懇

鴻慈俯念該員弁等無前軌之可循幸成功之有日且係積年併案保獎如蒙

天恩允准請

飭部毋庸照尋常勞績核減以資觀感而勵將來茲擇其尤爲出力者開列清單出具考語籲候

天恩其出力稍次者可否由臣等咨部獎敘祇乞

宸裁所有船政積年出力人員併案請獎緣由謹會

同大學士一等恪靖伯陝甘總督 臣 左宗棠福

州將軍 臣 文煜閩浙總督 臣 李鶴年福建巡撫

臣 王凱泰合詞恭摺附驛具陳伏乞

皇太后

皇上聖鑒訓示遵行謹

奏

光緒元年五月二十三日拜發軍機大臣奉

旨陳宗濂等均著照所請獎勵餘依議該部知道單

併發欽此

船政奏議彙編

卷十二

十三

皇太后

皇太后

五禮奏合稿恭摺附驛具陳

文煜閩浙總督 李鶴年福建巡撫

同大學士一等恪靖伯陝甘總督

臣王凱泰合詞恭摺附驛具陳

船政在工病故各員請卹片

再船政歷年在工員弁積勞病故者計有三品銜福建補用知府黃維煊五品銜刑部七品小京官江滙同知銜候選縣丞鄭虞江蘇候補縣丞補缺後知縣沈爾綏德化縣學訓導王沂舉人孟宗湜廩生高桐生員葉景淞監生陳承曾補用都司劉國泰十員其冒險殞身者有五品軍功差弁陳炳金一員黃維煊熟悉洋情聯絡中外慷慨任事出力有年可否請照知府軍營立功後病故例從優議卹江滙鄭虞王沂可否

均以原官照軍營立功後病故例議卹沈爾綏孟宗湜可否均照知縣軍營立功後病故例議卹生員葉景淞精熟製造力疾從公可否照從九品軍營立功後病故例從優議卹廩生高桐監生陳承曾可否均照從九品軍營立功後病故例議卹補用都司劉國泰涉厯窮島采辦洋木繼復管駕輪船出力尤多可否照都司軍營立功後病故例從優議卹五品軍功差弁陳炳金于役暹羅因山水夤夜陡漲搶護木料漂流入海而歿尤堪憫惻可否照把總陣亡例從優

議卹以慰幽魂謹合詞附片陳明伏乞

聖鑒訓示遵行謹

奏

同日拜發軍機大臣奉

旨黃維煊等均着照所請交部分別議卹欽此

船政奏議彙編

卷十一

五

十六號船下水十七號開工片

再據船政提調吳仲翔報稱第十六號元凱輪
船上年十月杪安上龍骨後卽朝夕趕工現在
船身輪機一律告竣已於五月初一日下水具
臻穩善計六月卽可試洋其第十七號本擬續
造百五十四匹馬力兵船因暹羅彎木未齊無從
動手各藝生獻所自繪五十四匹馬力機器圖船
圖稟請試造亦於是日安上龍骨輪機水缸圖
係藝生汪喬年所測算船圖則藝生吳德章羅
臻祿游學詩所測算並無藍本獨出心裁該生
既各竭其苦思臣等亦藉是以覘其悟境謹俟
完工之後果能駕駛靈捷臣當再擬船名敬候
欽定謹合詞附片陳明伏乞

聖鑒謹

奏

同日拜發軍機大臣奉

旨知道了欽此

請撥四成洋稅摺

奏爲船政需費萬緊海關六成無款可撥籲懇
天恩俯念事關自强大局准撥四成洋稅以濟燃眉
恭摺瀝陳仰祈

聖鑒事竊臣於同治十三年八月初二日奉

上諭閩廠准續行興造得力兵船以資利用等因欽此
遵卽分途趕辦木煤銅鐵等料加緊課工詎九
月以後海關以六成入不敷出遂將船政月款
停解經臣奏懇

飭部將閩海關續款改撥原定船政經費仍按月撥

船政奏議彙編

卷十一

七

解並聲明短解之款於臺防經費項下暫行挪
墊在案旋經部議請

旨飭下福州將軍迅將輪船經費在六成項下按月
如數撥解以顧要工上年短解二十餘萬亦卽
隨時補解以清移撥之款奉

旨依議欽此臣伏讀之下感極涕零敢不黽勉圖功
以上副

朝廷自強之至意乃每月函催三四次臣文煜極

力挪湊閱時三箇月分爲四次僅解十萬兩至

去年十月而止臣之奉

命巡臺也以船政本_臣所辦故未設後路糧台凡臺灣
應由內地採購之件兌發之欸卽以船政局員
兼理近者臺防餉源日絀不特萬難再事挪墊
而採購之件兌發之欸必逐漸清償春季尙可
向銀號錢庄籌借指茶季關欸坐扣今則茶季
最旺之月失信於人人亦咸知船政此後無可
指之欸雖欲不失信而不可得而籌借之路絕
矣入夏南風司令去年定辦各料絡繹到工此
時雖欠解之四十萬兩源源而來亦僅足敷周
轉斷不能稍有贏餘昨准_臣文煜覆書閩海關
提京餉五十七萬

歲征銀約二百三十萬六成約銀百四十萬奉
萬年吉地十萬應解部庫墊欸十三萬有奇陝西出關
餉運十萬福廈司稅辛俸十二萬部庫加平飯
銀滙費撥補常稅支銷等項十三萬有奇此必
不可緩者約銀百一十六萬所存僅二十四萬
應勻撥輪船經費六十萬雷正縮餉二十四萬
奉省捕盜餉二萬計不敷銀六十二萬卽使將
二十四萬全數解歸船政亦所短甚鉅惟四成
項下可餘銀四十萬原奉部文不准截留第船

政要需斷難貽誤應請將所餘四成儘數撥抵
不敷者仍由六成勻撥方有實濟函商會奏前
來臣四顧茫然深虞決裂臣卽不顧大局擅議

停工而已定之料已用之工當刻日清償亦須

鉅欸况

宵旰焦勞惓惓南顧而臣子只圖自便棄垂成之緒

墮未竟之功清夜捫心何以上對

君父惟有仰懇

天恩逾格俯念事關自強大局

准將閩海關所餘四成洋稅儘數撥抵船費不足者

船政奏議彙編

卷十一

九

再由六成勻撥俾符原數以濟要工明知不准
截留四成部臣特爲海防護惜命脈第船政與

海防相表裏若船政半途而廢則海防並無一

篲之基不得不竭其狂愚冒昧干瀆謹會同大

學士一等恪靖伯陝甘總督臣左宗棠福州將

軍臣文煜閩浙總督臣李鶴年福建巡撫臣王

凱泰合詞恭摺馳陳伏乞

皇太后

皇上聖鑒訓示遵行不勝惶悚待命之至謹

奏

光緒元年六月十八日拜發奉
旨該衙門速議具奏欽此

船政奏議彙編

卷十二

二十

船政衙門奏稿具奏彙編

光緒元年六月十八日拜發奉

會籌船政替人候

旨盤交赴任摺

奏爲會籌船政替人候

旨盤交遵赴新任恭摺馳陳仰祈

聖鑒事竊臣於本年八月初一日承准軍機大臣密

寄七月十四日奉

上諭臺郡事宜漸次就緒沈葆楨交代清楚卽行前

赴新任籌辦海防毋庸來京陛見等因欽此伏念

臣以樗朽之質膺艱鉅之投疊奉

恩綸自容無地瀝情上籲

船政奏議彙編

卷十一

三

慰勉有加尙冀瞻覲

天顏面申忱悃抑或

機宜密授得所遵循茲奉前因仰思

宵旰焦勞何敢更爲再三之瀆計惟有遵

旨速赴新任竭蹶襄事以待

朝廷徐擇賢能而區區下私所不能釋然者則以

船政一端枘之甚難墮之甚易名則爲觀成之

有日實不過一簣之始基儻非精益求精恐前

此數百萬

帑金盡歸虛擲得其人則恢之彌廣日進無疆失

其人雖欲循前軌而守成規有所不可得臣在
臺時已與臣凱泰昕夕晤商十餘次自七月二
十一日

奏報起程後二十二日開駛是晚寄旋澎湖二十
三日登岸查閱礮臺工程甫及七成修築尙均
牢固閱畢起旋二十四日到工將積贖稍事清
釐二十七日到省與臣文煜臣鶴年晤商船政
交代咸以爲無逾於前署廣東巡撫現任福建
按察使郭嵩燾者詢謀僉同與臣凱泰所見若
合符節郭嵩燾學問經濟十倍於臣人人知之

船政奏議彙編

卷十一

三

而忠愛肫摯之忱尤臣久所佩服日來虛已苦
心以講求洋務所見益深惟船政責重緒繁且
時有關涉中外事件必躬親諦審以威望坐鎮
其間臬司礙難兼顧合無仰懇
天恩逾格俯念船政關海防大局可否

准將郭嵩燾臬司開缺

賞給卿銜督理船政俾得專摺奏事以肅中外之觀

聽而期呼應之靈通臣一面飭各廠員紳將現

存物料敘造簡明清冊並將臣經手未完事件

及採辦欠發欸項逐一清查開具節略如奉

俞旨卽可以次點交愚昧之見深恐無當謹會同大學士一等恪靖伯陝甘總督臣左宗棠福州將軍臣文煜閩浙總督臣李鶴年福建巡撫臣王凱泰恭摺由驛六百里馳陳伏乞

皇太后

皇上聖鑒訓示不勝惶悚待命之至謹

奏

光緒元年八月初八日拜發奉

旨另有旨欽此

船政奏議彙編

卷十二

三

十六號船試洋十八號興工片

再據船政提調吳仲翔報稱第十六號百五十四匹馬力元凱輪船於本年六月二十八日工竣在本港試輪七月初五日出五虎口試洋旋於二十日駛到臺灣安平載臣葆楨內渡發軔之始卽涉橫洋船身完固輪機靈捷與伏波等前淮浙江巡撫楊昌濬函稱浙洋輪船不敷調遣尙須添派今擬增撥元凱一船與之其船上礮位業安配三尊因關款欠解甚多所有應配邊礮六尊無從購辦應歸浙省自行補足用資扞衛十七號船身過半而機器未備十八號仍做百五十四馬力兵船業於本年六月十九日安上龍骨現正昕夕趕工十七號擬名之曰藝新十八號擬名之曰登瀛洲以資號召是否有當之處附片陳明伏乞

聖鑒訓示謹

奏

同日拜發奉

旨知道了欽此

請改派接辦船政摺

奏爲船政需人甚急改請

欽派重臣接辦並懇

飭由海道南來俾臣得以迅速盤交遵

旨赴任恭摺馳陳仰祈

聖鑒事竊臣於本月初八日業將船政請

派郭嵩燾接辦緣由

奏明在案初九日准大學士直隸總督李鴻章密

咨知郭嵩燾已奉出使英國之

命勢不能爲船政中止而船政關係海防根柢斷不

船政奏議彙編

卷十二

三

容不愼擇其人非無熟悉工程結實可靠者然
能恪守成法恐未能式廓前規且當經費支絀
動輒掣肘之時非有卓絕之才識老成之資望
能於萬難中出新意以經緯之者不足爲

國家鞏持久之基而收自強之效臣思維再四計

惟有北洋幫辦大臣丁日昌果毅精明不避嫌

怨近日講求洋務罕出其右者可否仰懇

聖恩准派丁日昌督辦船政該大臣必能恢此遠謨

爲南北洋生色臣因陋就簡負疚於心者有年

亦急待丁日昌之精思密慮補臣之闕至北洋

幫辦原係鉅任然李鴻章莅事日久綱舉目張似可無煩藉助且天津與福建雖遠隔數千里而海道五六日可通船政如得其人南北洋均藉以聯氣脈是於幫辦之任正相成而不相妨近聞丁日昌因病思歸想水土異宜所致閩粵接壤冷暖差同該大臣亦可藉是調攝其躬爲國家更膺非常之任冒昧之見是否有當謹會同

大學士一等恪靖伯陝甘總督臣左宗棠福州

將軍臣文煜閩浙總督臣李鶴年福建巡撫臣

王凱泰恭摺由輪船駛赴天津發驛六百里馳

船政奏議彙編

卷十二

三

遞如蒙

俞允應請

飭下丁日昌卽坐遞摺輪船由海道來閩俾臣得以

迅速盤交卽赴新任伏乞

皇太后

皇上聖鑒訓示不勝惶悚待命之至謹

奏

光緒元年八月十八日拜發奉

旨另有旨欽此

船政欠款請補籌足額摺

奏爲船政欠款懇

恩飭閩海關查照部議補籌足額以後六成洋稅先儘船政按月解濟勿因他款挪動以固海防之基恭摺馳陳仰祈

聖鑒專竊臣准戶部咨本部會同總理衙門議覆船

廠經費不敷請撥用四成洋稅一摺奉

旨依議欽此查原奏以製造輪船與海防相爲維繫既據該大臣稱用款艱難應卽准如所請將四成項下餘銀四十萬兩儘數撥歸船政將七月

船政奏議彙編

卷十一

七

以後續征四成洋稅提撥四十萬兩解還部庫

以清界限嗣後船政經費仍遵原定章程由閩

海關六成項下每月撥解銀五萬兩以符奏案

等因旋准福州將軍臣文煜咨稱七月以前存

銀堪以查照部案撥解輪船經費者僅只十五

萬兩並卽隨文咨解前來伏念船政月款自去

年九月停解今年四月以後陸續彌補二十萬

兩僅敷去年十二月而止茲遵撥四成十五萬

兩亦僅敷今年三月而止而船政懸款如日意

格采辦之鐵脅全副新式輪機兩副挖土大機

船一號半價十餘萬元南洋采辦木料未到者又十餘萬元挪用巡臺經費逐月補還外尚十餘萬兩如果部撥六月以前四成之四十萬兩儘歸船政閩海關固當遵照部議提七月以後四成四十萬兩補解部庫今六月以前存銀僅十五萬兩則是舊存之二十五萬兩業經先期解部自當提七月以後之四十萬兩以十五萬兩補解部庫而以二十五萬兩交還船政方與部議相符而船政自本年五月至八月欸項始有著落大局不致決裂其九月以後既照原定

章程於六成項下每月撥解五萬兩應懇

飭下閩海關先儘船政籌解所餘再撥京協各餉庶

幾月欸不至子虛接辦者方得所藉手臣交卸

在卽而曉曉不已於

君父之前者誠以海防始基不容中廢按月有欸而後可次第責其成功區區下私是否有當謹會

同大學士一等恪靖伯陝甘總督臣左宗棠福

州將軍臣文煜閩浙總督臣李鶴年福建巡撫

臣王凱泰恭摺附輪船至滬發驛六百里馳陳

伏乞

皇太后

皇上聖鑒訓示不勝戰慄屏營之至謹

奏

光緒元年八月二十九日拜發

船政奏議彙編

卷十一

三

光緒元年八月二十九日拜發

皇上聖鑒訓示不勝戰慄屏營之至謹

皇太后

報起程馳赴江督新任摺

奏為遵

旨卽赴新任恭摺馳報起程日期仰祈

聖鑒事竊臣承准軍機大臣字寄光緒元年九月初

二日奉

上諭船政事宜沈葆楨卽交李鶴年等暫行兼顧督率道員吳仲翔一手經理俟丁日昌到閩後再行交代並著沈葆楨卽起程前赴兩江新任等因欽此仰見

聖主慎重海防之至意循誦再四感悚交并伏念船

船政奏議彙編

卷十一

三

政經費萬難經臣疊次縷陳在案吳仲翔工程

熟悉廉正樸誠任勞任怨此臣所素信者儻費

無所出課虛責有不特非一道員所能爲力卽

丁日昌到閩後亦斷不能以空拳赤手從事其

間兩江責重事繁

宵旰憂勤惓惓南顧臣何敢藉船政籌款爲口實稍

事遷延惟是事關自強中外屬耳目焉若半途

而廢則大局全隳伏懇

天恩飭下將軍督撫臣設法支持視如家事舊欠者

彌補足額按月者解濟如期俾丁日昌得以展

其所長補臣積年固陋之愆曷勝幸甚臣擬於
十月初一日乘輪船由海道入江遵

旨赴任合將起程日期由驛五百里馳報以冀上慰

慈廑伏乞

皇太后

皇上聖鑒訓示謹

奏

光緒元年九月二十八日拜發

船政奏議彙編

卷十一

三

光緒元年九月二十八日拜發

皇太后

慈廑伏乞

旨赴任合將起程日期由驛五百里馳報以冀上慰

十月初一日乘輪船由海道入江遵

其所長補臣積年固陋之愆曷勝幸甚臣擬於

振威管駕守備黎家本積勞病故請 飭部議

卹片

再管駕振威輪船五品軍功留閩儘先守備黎家本自同治元年選充駕駛學生十年派在建威船上練習風濤穎悟精進膽智過人十二年閏六月充長勝大副十三年六月調振威大副九月管駕長勝輪船本年五月調管振威輪船來往臺灣口岸運解軍火濟渡各軍冒險衝濤刻期無悞遽於本年八月二十日積勞病故殊堪憫惻合無仰懇

船政奏議彙編

卷十一

三

天恩飭部以原官照軍營立功後病故例從優議恤以慰幽魂謹合詞附片陳明伏乞

聖鑒謹

奏

同日拜發奉

旨黎家本著以原官照軍營立功後病故例從優議卹欽此

再管駕長勝輪船五品軍功留閩儘先守備黎

船政奏議彙編卷十二終

